



Broj: JN1-03-16-7-7/24
Sarajevo, 26.03.2024. godine

Na osnovu čl. 10. stav (1) tačka e) i 18. stav (2) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22), čl. 7. i 8. Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., te Poglavlja III. tač. 1. i 2. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", broj: 92/05 i 63/08), Kolegij Sekretarijata donosi

ODLUKU

o pokretanju postupka javne nabavke usluge zakupa parking prostora za potrebe parkiranja vozila poslanika i delegata Parlamentarne skupštine Bosne i Hercegovine

I

Odobrava se pokretanje postupka javne nabavke usluge zakupa 6 parking mjesta, u cjelodnevnom režimu parkiranja (24 sata), u dijelu parking prostora (Zemaljski muzej Bosne i Hercegovine - Zgrada Filozofskog fakulteta Univerziteta u Sarajevu - Zgrada Parlamentarne skupštine Bosne i Hercegovine), u ulici Koste Hermana, za potrebe parkiranja vozila poslanika i delegata Parlamentarne skupštine Bosne i Hercegovine za period od 01.04.2024. do 31.12.2024. godine, što je u skladu s članom 10. stav (1) tačka e) Zakona o javnim nabavkama izuzeto od primjene odredbi zakona.

II

Ukupna procijenjena vrijednost za nabavku usluge cjelodnevnog zakupa parking prostora za 6 vozila poslanika/delegata Parlamentarne skupštine BiH za period od 01.04.2024. do 31.12.2024. godine iznosi 4.050,00 KM sa PDV-om (3.461,54 KM bez PDV-a), odnosno mjesečna procijenjena vrijednost ukupnog parking prostora iznosi 450,00 KM sa PDV-om (384,62 KM bez PDV-a).

Realizacija ove Odluke provest će se dostavljanjem prijedloga ugovora.

III

Sredstva za predmetnu nabavku osigurana su na teret tekućih izdataka odobrenih Parlamentarnoj skupštini Bosne i Hercegovine za 2024. godinu.

IV

Provedena nabavka iz tačke II ove Odluke će biti realizovana kroz izvještaj putem Portala javnih nabavki Agencije za javne nabavke, u skladu s članom 75. stav (1) Zakona o javnim nabavkama. Rok za dostavljanje izvještaja je 30 dana od dana potpisivanja ugovora.

V

Ova Odluka objavit će se na web stranici ugovornog organa www.parlament.ba, u skladu s članom 70. stav (6) Zakona o javnim nabavkama i stupa na snagu danom donošenja.

Obrazloženje

Dana 19.03.2024. godine, šef Operativno-tehničkog odjela Sektora za opće poslove Zajedničke službe Sekretarijata Parlamentarne skupštine BiH dostavio je odobren Zahtjev za nabavku usluge cjelodnevnog zakupa 6 parking mjesta u dijelu parking prostora (Zemaljski muzej Bosne i Hercegovine - Zgrada Filozofskog fakulteta Univerziteta u Sarajevu - Zgrada Parlamentarne skupštine Bosne i Hercegovine), u ulici Koste Hermana, za potrebe parkiranja vozila poslanika i delegata Parlamentarne skupštine Bosne i Hercegovine za period od 01.04.2024. do 31.12.2024. godine. Cijeneći da je predmet nabavke usluga zakupa specifično lokaliziranog parking prostora, koja je u skladu s čl. 10. stav (1) tačka e) Zakona o javnim nabavkama Bosne i Hercegovine izuzeta od primjene odredbi Zakona, te je donesena Odluka kao u dispozitivu.

KOLEGIJ SEKRETARIJATA

Mirza Imamović_____

Gordana Živković_____

Marin Vukoja_____

DOSTAVLJENO:

- Sektoru za finansije
- a/a